

聞已歎曰善哉善哉賢者拘繩羅尊者舍利弗歎已歡喜奉行復問曰賢者拘繩羅有幾因幾緣生無想定尊者大拘繩羅答曰有二

因二緣生無想定云何爲二一者不念一切想二者念無想界是謂二因二緣生無想定尊者舍利弗聞已歎曰善哉善哉賢者拘繩

羅尊者舍利弗歎已歡喜奉行復問曰賢者拘繩羅有幾因幾緣生無想定耶尊者大拘

繩羅答曰有二因二緣生無想定云何爲二一者不念一切想二者念無想界是謂二因二緣生無想定尊者舍利弗聞已歎曰善哉

善哉賢者拘繩羅尊者舍利弗歎已歡喜奉

行復問曰賢者拘繩羅有幾因幾緣從無想定起尊者大拘繩羅答曰有三因三緣從無想定起云何爲三一者念一切想二者不念無想界三者因此身及六處緣命根是謂三因三緣從無想定起如是彼二尊更相稱歎善哉善哉更互所說歡喜奉行從座起去

尊者大拘繩羅經第十竟

中阿含經多品第三竟 第五後誦

清

中阿含經卷第五十八

士末

似八

中阿含經卷第五十九

似九

惠基翻音釋僧伽提婆譯

例品第四

有十  
一經

第五後誦

一切智法嚴 韶訶第一得 愛生及八城  
阿那律陀二 諸見箭興喻 比例最在後  
中阿含例品 一切智經第一

一

現刊

我聞如是一時佛遊鬱頭隨若在普棘刺林爾時拘薩羅王波斯匿聞沙門瞿曇遊鬱頭隨若在普棘刺林拘薩羅王波斯匿聞已告一人曰汝往詣沙門瞿曇所爲我問訊聖體康強安快無病起居輕便氣力如常耶作如是語拘薩羅王波斯匿問訊聖體康強安快

無病起居輕便氣力如常耶又復語曰拘薩羅王波斯匿欲來相見彼人受教往詣佛所共相問訊却坐一面白曰瞿曇拘薩羅王波斯匿問訊聖體康強安快無病起居輕便氣力如常耶拘薩羅王波斯匿欲來相見世尊答曰今拘薩羅王波斯匿安隱快樂今天及

人阿修羅捷沓和羅刹及餘若干身安隱快樂拘薩羅王波斯匿欲來者自可隨意彼時使人聞佛所說善受持誦即從座起遶三匝而去爾時尊者阿難住世尊後執拂侍佛使人去後於是世尊迴顧告曰阿難汝來共詣東向大屋開牕閉戶住彼密處今日拘薩羅

王波斯匿一心無亂欲聽受法尊者阿難白曰唯然於是世尊將尊者阿難至彼東向大屋開牕閉戶密處布座敷尼師壇結跏趺坐彼時使人還詣拘薩羅王波斯匿所白曰天王我已通沙門瞿曇沙門瞿曇今待天王唯願天王自當知時拘薩羅王波斯匿告御者

曰汝可嚴駕我今欲往見沙門瞿曇御者受教即便嚴駕爾時賢及月姊妹與拘薩羅王波斯匿共坐食時聞今日拘薩羅王波斯匿當往見佛白曰大王若今往見世尊者願為我等誓首世尊問訊聖體康強安快無病起居輕便氣力如常耶作如是語賢及月姊妹

誓首世尊問訊聖體康強安快無病起居輕便氣力如常耶拘薩羅王波斯匿爲賢及月姊妹默然而受彼時御者嚴駕已訖白曰天王嚴駕已辦隨天王意時王聞已即便乘車從鬱頭隨若出往至普棘刺林爾時普棘刺林門外衆多比丘露地經行拘薩羅王波斯

似九

匿往詣諸比丘所問曰諸賢沙門瞿曇今在何處我欲往見諸比丘答曰大王彼東向大屋開牕閉戶世尊在中大王欲見者可詣彼屋在外住已聲咳敲戶世尊聞者必爲開戶拘薩羅王波斯匿即便下車眷屬圍遠步往至彼東向大屋到已住外聲效敲戶世尊聞

已即爲開戶拘薩羅王波斯匿便入彼屋前  
詣佛所白曰瞿曇賢及月姊妹誓首世尊問  
訊聖體康強安快無病起居輕便氣力如常  
耶世尊問王賢及月姊妹更無人使耶拘薩  
羅王波斯匿白曰瞿曇當知今日賢及月姊  
妹我共坐食聞我今當欲往見佛便白曰大  
王若往見佛者當爲我等誓首世尊問訊聖  
體康強安快無病起居輕便氣力如常耶故  
如是白世尊賢及月姊妹誓首世尊問訊聖  
體康強安快無病起居輕便氣力如常耶瞿  
曇被賢及月姊妹誓首世尊問訊聖體康強  
安快無病起居輕便氣力如常耶世尊答曰  
大王今賢及月姊妹安隱快樂今天及人阿  
修羅捷沓和羅刹及餘若干身安隱快樂於  
是拘薩羅王波斯匿與佛共相問訊却坐一  
面白曰瞿曇我欲有所問聽乃敢陳世尊告  
曰大王欲問者恣意所問拘薩羅王波斯匿  
便問曰瞿曇我聞沙門瞿曇作如是說本無

似九

三

當不有今現亦無若有餘沙門梵志一切知  
一切見者瞿曇憶如是說耶世尊答曰大王  
我不憶作如是說本無當不有今現亦無若  
有餘沙門梵志一切知一切見者爾時鞞留  
羅大將住在拘薩羅王波斯匿後執拂拂王  
於是拘薩羅王波斯匿向願告鞞留羅大將  
日前日王共大衆坐誰最前說沙門瞿曇作  
如是說本無當不有今現亦無若有餘沙門  
梵志一切知一切見者鞞留羅大將答曰天  
王有想年少吉祥子前作是說拘薩羅王波  
斯匿聞已告一人曰汝往至想年少吉祥子  
所作如是語拘薩羅王波斯匿呼汝被人受  
教即往想年少吉祥子所作如是語年少拘  
薩羅王波斯匿呼汝被人去後於是拘薩羅  
王波斯匿白世尊曰沙門瞿曇頗有異說異  
受沙門瞿曇憶所說耶世尊答曰大王我憶  
曾如是說本無當不有今現亦無若有餘沙  
門梵志一時知一切一時見一切大王我憶

如是說也拘薩羅王波斯匿聞已歎曰沙門瞿曇所說如師沙門瞿曇所說如善師欲更有所問聽我問耶世尊答曰大王欲問恣意所問拘薩羅王波斯匿問曰瞿曇此有四種刹利梵志居士工師爲有勝如有差別耶世尊答曰此有四種刹利梵志居士工師此有勝如有差別也刹利梵志種此於人間爲最上德居士工師種此於人間爲下德也此有四種刹利梵志居士工師是謂勝如是謂差別拘薩羅王波斯匿聞已歎曰沙門瞿曇所說如師沙門瞿曇所說如善師拘薩羅王波斯匿白曰瞿曇我不但問於現世義亦復欲

問於後世義聽我問耶世尊答曰大王欲問恣意所問拘薩羅王波斯匿問曰瞿曇此有四種刹利梵志居士工師此有勝如有差別於後世耶世尊答曰此有四種刹利梵志居士工師此有勝如有差別謂後世也此有四種刹利梵志居士工師若成就此五斷支必

似九

四

得善師如來無所著正盡覺必得可意無不可意亦於長夜得義饒益安隱快樂云何爲五多聞聖弟子信著如來根生定立無能奪者謂沙門梵志天及魔梵及餘世間是謂第一斷支復次大王多聞聖弟子少病無病成就等食道不熱不冷正樂不諍謂飲食消正安隱消是謂第二斷支復次大王多聞聖弟子無詭無誑質直現如真世尊及諸梵行是謂第三斷支復次大王多聞聖弟子常行精進斷惡不善修諸善法恒自起意專一堅固爲諸善本不捨方便是謂第四斷支復次大王多聞聖弟子修行智慧觀與衰法得如此智聖慧明達分別曉了以正盡苦是謂第五斷支此有四種刹利梵志居士工師彼若成就此五斷支必得善師如來無所著正盡覺必得可意無不可意亦於長夜得義饒益安隱快樂此有四種刹利梵志居士工師是謂勝如是謂差別於後世也拘薩羅王波斯匿

聞已歎曰沙門瞿曇所說如師沙門瞿曇所說如善師欲更有所問聽我問耶。世尊答曰大王欲問恣意所問拘薩羅王波斯匿問曰瞿曇此有四種刹利梵志居士工師此有勝如此有差別於斷行耶。世尊答曰此有四種刹利梵志居士工師此有勝如此有差別於

似九

五

斷行也。大王於意云何若信者所斷是不信斷者終無是處若少病者所斷是多病斷者終無是處若不謗不誑者所斷是誑詭斷者終無是處若精勤者所斷是懈怠斷者終無是處若智慧者所斷是惡慧斷者終無是處如是此四種刹利梵志居士工師是謂勝如是謂差別於斷行也。拘薩羅王波斯匿聞已歎曰沙門瞿曇所說如師沙門瞿曇所說如善師欲更有

不謗不誑者所斷是詖誑斷者終無是處若精勤者所斷是懈怠斷者終無是處若智慧者所斷是惡慧斷者終無是處如是此四種刹利梵志居士工師此有勝如此有差別謂斷間拘薩羅王波斯匿問曰瞿曇此有四種刹利梵志居士工師此有勝如此有差別謂斷耶。世尊答曰此有四種刹利梵志居士工師彼等斷無有勝如無有差別於斷也。大王猶如四御象御馬御牛御人御彼中二御不可調不可御二御可調可御大王於意云何母鑽鑽生火南方梵志童子來彼取乾婆羅木作火母鑽鑽生火西方居士童子來彼取受御事者終無是處若彼二御可調可御來至調地御地受御事者必有是處如是大王於意云何若信者所斷是不信斷者終無是處若少病者所斷是多病斷者終無是處若火母鑽鑽生火彼中或有人著燥草木生烟

生焰生色大王於烟烟焰焰色色說何等差  
別耶拘薩羅王波斯匿答曰瞿曇謂彼若干  
種人取若干木作火母鑽鑽生火彼中或有  
人著燥草木生烟生焰生色瞿曇我不說烟  
焰焰色色有差別也如是大王此有四種  
刹利梵志居士工師彼一切等等斷無有勝

似九

六

如無有差別於斷也拘薩羅王波斯匿聞已  
歎曰沙門瞿曇所說如師沙門瞿曇所說如  
善師欲更有所問聽我問耶世尊告曰大王  
欲問恣意所問拘薩羅王波斯匿問曰瞿曇  
有天耶世尊問曰大王何意問有天耶拘薩  
羅王波斯匿答曰瞿曇若有天有諍樂諍者

似九

七

彼應來此間若有天無諍不樂諍者不應來  
此間爾時鞞留羅大將住在拘薩羅王波斯  
匿後執拂拂王鞞留羅大將白曰瞿曇若有  
天無諍不樂諍者不來此間且置彼天若有  
天有諍樂諍來此間者沙門瞿曇必說彼天  
福勝梵行勝此天得自在退彼天遣彼天也

是時尊者阿難在世尊後執拂侍佛於是尊  
者阿難作是念此鞞留羅大將是拘薩羅王  
波斯匿子我是世尊子今正是時子子共論  
於是尊者阿難語鞞留羅大將曰我欲問沒  
隨所解答大將於意云何拘薩羅王波斯匿  
所有境界教令所及拘薩羅王波斯匿福勝  
梵行勝故寧得自在退去遣去耶鞞留羅大  
將答曰沙門若拘薩羅王波斯匿所有境界  
教令所及拘薩羅王波斯匿福勝梵行勝故  
得自在退去遣去也大將於意云何若非拘  
薩羅王波斯匿境界教令所不及拘薩羅王  
波斯匿福勝梵行勝故意得自在退彼遣彼

似九

七

耶鞞留羅大將答曰沙門若非拘薩羅王波  
斯匿境界教令所不及拘薩羅王波斯匿福  
勝梵行勝故不得自在退彼遣彼也尊者阿  
難復問曰大將頗聞有三十三天耶鞞留羅  
大將答曰我拘薩羅王波斯匿遊戲時聞有  
三十三天大將於意云何拘薩羅王波斯匿

福勝梵行勝故寧得自在退彼三十三天遣  
彼三十三天耶。禪留羅大將答曰沙門拘薩  
羅王波斯匿尚不能得見三十三天況復退  
遣耶。退遣彼三十三天者終無是處。如是大  
將若有天無諍不樂諍不來此間者此天福  
勝梵行勝若有此天諍樂諍來此間者此天

於彼天尚不能得見況復退遣耶。若退遣彼  
者終無是處。於是拘薩羅王波斯匿問曰瞿  
曇此沙門名何等耶。世尊答曰大王此比丘  
名阿難是我侍者拘薩羅王波斯匿聞已歎  
曰阿難所說如師阿難所說如善師欲更有  
所問聽我問耶。世尊告曰大王欲問恣意所  
問拘薩羅王波斯匿問曰瞿曇頗有梵耶。世  
尊問曰大王何意。問有梵耶。大王若我施設  
有梵彼梵清淨。世尊與拘薩羅王波斯匿於  
其中間論此事時。彼使人將想年少吉祥子  
來還詣拘薩羅王波斯匿所。白曰天王想年  
少吉祥子已來在此拘薩羅王波斯匿聞已

問想年少吉祥子曰前日王共大衆會坐誰  
最前說沙門瞿曇如是說本無當不有今現  
亦無若有餘沙門梵志一切知一切見耶。想  
年少吉祥子答曰天王禪留羅大將前說也。  
禪留羅大將聞已白曰天王此想年少吉祥  
子前說也。如是彼二人更共諍此論於其  
中間。彼御者即便嚴駕至拘薩羅王波斯匿  
所白曰天王嚴駕已至。天王當知時拘薩羅  
王波斯匿聞已白世尊曰我問瞿曇一切智  
事沙門瞿曇答我一切智事我問沙門瞿曇  
四種清淨沙門瞿曇答我四種清淨我問沙  
門瞿曇所得沙門瞿曇答我所得我問沙門

似九

八

瞿曇有梵沙門瞿曇答我有梵若我更問餘  
事者沙門瞿曇必答我餘事。瞿曇我今多事  
欲還請辭世尊答曰大王自當知時拘薩羅  
王波斯匿聞世尊所說善受持誦即從座起  
遶世尊三匝而去。佛說如是拘薩羅王波斯  
匿尊者阿難及一切大衆聞佛所說歡喜奉行

一切智經第一竟

中阿含例品法莊嚴經第二 第五後誦

我聞如是一時佛遊釋中在釋家都邑名彌婬離爾時拘薩羅王波斯匿與長作共俱有所爲故出詣邑名城拘薩羅王波斯匿至彼園觀見諸樹下寂無音聲遠離無惡無有人

民隨順宴坐見已憶念世尊拘薩羅王波斯匿告曰長作今此樹下寂無音聲遠離無惡無有人民隨順宴坐此處我數往見佛長作世尊今在何處我欲往見長作答曰天王我聞世尊遊釋中在釋家都邑名彌婬離拘薩羅王波斯匿復問曰長作釋家都邑名彌婬離去此幾許長作答曰天王去此三拘曇舍拘薩羅王波斯匿告曰長作可勑嚴駕我欲詣佛長作受教即勑嚴駕白曰天王嚴駕已訖隨天王意拘薩羅王波斯匿即昇乘出城往至釋家都邑名彌婬離尔時彌婬離門外衆多比丘露地經行拘薩羅王波斯匿往詣

似九

九

玆刊

諸比丘所問曰諸尊世尊今在何處晝行衆多比丘答曰大王彼東向大屋開牘閉戶世尊今在彼中晝行大王欲見便往詣彼到已住外聲歎敲戶世尊聞者必爲開戶拘薩羅王波斯匿即便下車若有王刹利須來而得人處教令大地有五儀飾劍蓋華鬘及珠炳

拂嚴飾之屣彼盡脫已授與長作長作念曰天王今者必當獨入我等應共住此待耳於是拘薩羅王波斯匿眷屬圍遶步往至彼東向大屋到已住外聲歎敲戶世尊聞已即爲開戶拘薩羅王波斯匿便入彼屋前至佛所稽首禮足再三自稱姓名我是拘薩羅王波

斯匿我是拘薩羅王波斯匿世尊答曰如是大王汝是拘薩羅王波斯匿汝是拘薩羅王波斯匿拘薩羅王波斯匿再三自稱姓名已誓首佛足却坐一面世尊問曰大王見我有何等義而自下意稽首禮足供養承事耶拘薩羅王波斯匿答曰世尊我於佛而有法靖

因此故我作是念如來無所著正盡覺所說法善世尊弟子衆善趣向也世尊我坐都坐時見母共子諍子共母諍父子兄弟姊妹親屬展轉共諍彼闡諍時母說子惡子說母惡父子兄弟姊妹親屬更相說惡況復他人我見世尊弟子諸比丘衆從世尊行梵行或有比丘少多起諍捨戒罷道不說佛惡不說法惡不說衆惡但自責數我爲惡我爲無德所以者何以我不能從世尊自盡形壽修行梵行是謂我於佛而有法靖因此故我作是念如來無所著正盡覺所說法善世尊弟子衆善趣向也復次世尊我見一沙門梵志羸瘦憔悴形比丘少多學行梵行捨隨本服復爲欲所染染欲著欲爲欲所縛憍慢受入不見災患不見出要而樂行欲世尊我見世尊弟子諸比丘衆自盡形壽修行梵行乃至億數我於此外不見如是清淨梵行如世尊家是謂我於佛而有法靖因此故我作是念如來無

似九

十

所著正盡覺所說法善世尊弟子衆善趣向也復次世尊我見一沙門梵志羸瘦憔悴形色極惡身生白袍人不喜見我作是念此諸尊何以羸瘦憔悴形色極惡身生白袍人不喜見此諸尊必不樂行梵行或身有患或屏處作惡以是故諸尊羸瘦憔悴形色極惡身生白袍人不喜見我往問彼諸尊何故羸瘦憔悴形色極惡身生白袍人不喜見諸尊不樂行梵行耶爲身有患耶爲屏處作惡耶是故諸尊羸瘦憔悴形色極惡身生白袍人不喜見彼答我曰大王是白病大王是白病世尊我見世尊弟子諸比丘衆樂行端正面色悅澤形體淨潔無爲無求護他妻食如鹿自盡形壽修行梵行我見已作是念此諸尊何故樂行端正面色悅澤形體淨潔無爲無求護他妻食如鹿自盡形壽修行梵行此諸尊或得離欲或得增上心現法樂居易不難得是故此諸尊樂行端正面色悅澤形體淨潔

無爲無求護他妻食如鹿自盡形壽修行梵  
行若行欲樂行端正者我應樂行端正何以  
故我得五欲功德易不難得若此諸尊得離  
欲得增上心於現法樂居易不難得是故此  
諸尊樂行端正面色悅澤形體淨潔無爲無  
求護他妻食如鹿自盡形壽修行梵行是謂

卷之三

十一

我於佛而有法靖因此故我作是念如來無所著正盡覺所說法善世尊弟子衆善趣向也復次世尊我見一沙門梵志聰明智慧自稱聰明智慧博聞決定詣識諸經制伏強敵談論覺了名德流布一切世間無不聞知所遊至處壞諸見宗輒自立論而作是說我等往至沙門瞿曇所問如是如是事若能答者當難詰彼若不能答亦難詰已捨之而去彼聞世尊遊某村邑往至佛所尚不敢問於世尊事況復欲難詰耶是謂我於佛而有法靖因此故我作是念如來無所著正盡覺所說法善世尊弟子衆善趣向也復次世尊我見

一沙門梵志聰明智自稱聰明智博聞  
決定諳識諸經制伏強敵談論覺了名德流  
布一切世間無不聞知所遊至處壞諸見宗  
輒自立論而作是說我等往至沙門瞿曇所  
問如是如是事若能答者當難詰彼若不能  
答亦難詰已捨之而去彼聞世尊遊其村邑  
往至佛所問世尊事世尊爲答彼聞答已便  
得歡喜稽首佛足遠三匝而去是謂我於佛  
而有法靖因此故我作是念如來無所著正  
盡覺所說法善世尊弟子衆善趣向也復次  
世尊我見一沙門梵志聰明智自稱聰明  
智慧博聞決定諳識諸經制伏強敵談論覺  
了名德流布一切世間無不聞知所遊至處  
壞諸見宗輒自立論而作是說我等往至沙  
門瞿曇所問如是如是事若能答者當難詰  
彼若不能答亦難詰已捨之而去彼聞世尊  
遊某村邑往至佛所問世尊事世尊爲答彼  
聞答已便得歡喜即自歸佛法及比丘衆世

尊受彼爲優婆塞終身自歸乃至命盡是謂我於佛而有法靖因此故我作是念如來無所著正盡覺所說法善世尊弟子衆善趣向也復次世尊我見一沙門梵志聰明智慧自稱聰明智慧博聞決定諳識諸經制伏強敵談論覺了名德流布一切世間無不聞知所似九

十二 现

遊至處壞諸見宗輒自立論而作是說我等

往至沙門瞿曇所問如是如是事若能答者當難詰彼若不能答亦難詰已捨之而去彼聞世尊遊某村邑往至佛所問世尊事世尊爲答彼聞答已便得歡喜即從世尊求出家學而受具足得比丘法佛便度彼而授具足

得比丘法若彼諸尊出家學道而受具足得比丘已獨住遠離心無放逸修行精勤彼獨住遠離心無放逸修行精勤已若族姓子所爲剃除鬚髮著袈裟衣至信捨家無家學道者唯無上梵行訖於現法中自知自覺自作證成就遊生已盡梵行已立所作已辦不更

受有知如眞若彼諸尊知法已乃至得阿羅漢得阿羅漢已便作是念諸賢我本幾了幾失所以者何我本非沙門稱沙門非梵行稱梵行非阿羅漢稱阿羅漢我等今是沙門是梵行是阿羅漢是謂我於佛而有法靖因此故我作是念如來無所著正盡覺所說法善

世尊弟子衆善趣向也復次世尊我自居國無過者不令殺有過者令殺然在都坐我故不得作如是說鄉等並住無人間鄉事人問我事鄉等不能斷此事我能斷此事於其中間競論餘事不待前論訖我數見世尊大衆圍遶說法彼中一人鼾眠作聲有人語彼君莫似九

十三

鼾眠作聲君不用聞世尊說法如甘露耶彼人聞已即便默然我作是念如來無所著正盡覺衆調御士甚奇甚特所以者何以無刀杖皆自如法安隱快樂是謂我於佛而有法靖因此故我作是念如來無所著正盡覺所說法善世尊弟子衆善趣向也復次世尊我

五刊

於仙餘及宿舊二日出錢財賜亦常稱譽彼命由我然不能令彼仙餘及宿舊二日下意恭敬尊重供養奉事於我如爲世尊下意恭敬尊重供養奉事也是謂我於佛而有法靖因此故我作是念如來無所著正盡覺所說法善世尊弟子衆善趣向也復次世尊我昔出征宿一小屋中欲試仙餘宿舊二日知彼頭向何處眠耶爲向我爲向世尊於是仙餘宿舊二日則於初夜結跏趺默然宴坐至中夜聞世尊在某方處便以頭向彼以足向我我見已作是念此仙餘及宿舊二日不在現勝事是故彼不下意恭敬尊重供養奉事於

我如爲世尊下意恭敬尊重供養奉事也是謂我於佛而有法靖因此故我作是念如來無所著正盡覺所說法善世尊弟子衆善趣向也復次世尊我亦國王世尊亦法王我亦刹利世尊亦刹利我亦拘薩羅世尊亦拘薩羅我年八十世尊亦八十世尊以此事故我堪耐爲世尊盡形壽下意恭敬尊重供養奉事出尊我今多事欲還請辭世尊告曰大王自當知時於是拘薩羅王波斯匿聞佛所說善受持誦即從座起稽首佛足遶三匝而去爾時尊者阿難住世尊後執拂侍佛於是世尊迴顧告曰阿難若有比丘依彌婁離林住者今彼一切集在講堂於是尊者阿難受佛教已若諸比丘依彌婁離林住者令彼一切集在講堂還詣佛所白曰世尊若有比丘依彌婁離林住者彼一切已集講堂唯願世尊自當知時於是世尊將尊者阿難往至講堂比丘衆前敷座而坐告曰比丘今拘薩羅王

似九

十四

波斯匿在我前說此法莊嚴經已即從座起稽首我足遠三匝而去比丘汝等當受持此法莊嚴經善誦善習所以者何比丘此法莊嚴經如義如法爲梵行本趣智趣覺趣至涅槃若族姓子至信捨家無家學道者亦當受持當誦當習此法莊嚴經佛說如是彼諸比

丘聞佛所說歡喜奉行

法莊嚴經第二竟

中阿含例品韻詞提經第三 第五後誦

我聞如是一時佛遊舍衛國在勝林給孤獨園余時尊者阿難住舍衛國於東園鹿子母堂爲小事故彼時尊者阿難將一比丘從舍

衛出往至東園鹿子母堂所爲事訖將彼比丘還往至勝林給孤獨園余時拘薩羅王波斯匿乘一奔陀利象與尸利阿茶大臣俱出舍衛國尊者阿難遇見拘薩羅王波斯匿來已問伴比丘彼是拘薩羅王波斯匿耶答曰是也尊者阿難便下道避至一樹下拘薩羅王波斯匿遙見尊者阿難在於樹間問曰尸利阿茶彼是沙門阿難耶尸利阿茶答曰是也拘薩羅王波斯匿告尸利阿茶大臣曰汝御此象令至沙門阿難所尸利阿茶受王教已即御此象令至尊者阿難所於是拘薩羅王波斯匿問曰阿難從何處來欲至何處尊

者阿難答曰大王我從東園鹿子母堂來欲至勝林給孤獨園拘薩羅王波斯匿語曰阿提河爲慈愍故尊者阿難爲拘薩羅王波斯匿默然而受於是拘薩羅王波斯匿令尊者阿難在前共至阿夷羅婆提河到已下乘取彼象鞍四疊敷地請尊者阿難阿難可坐此座尊者阿難答曰止止大王但心靜足拘薩羅王波斯匿再三請尊者阿難阿難可坐此座尊者阿難亦再三語止止大王但心靜足我自有尼師壇我今當坐於是尊者阿難敷尼師壇結跏趺坐拘薩羅王波斯匿與尊者阿難共相問訊却坐一面語曰阿難欲有所問聽我問耶尊者阿難答曰大王欲問便問我聞已當思拘薩羅王波斯匿問曰阿難如來頗行如是身行謂此身行爲沙門梵志所憎惡耶尊者阿難答曰大王如來不行如是身行謂此身行爲沙門梵志聰明智慧及餘

世間所憎惡也拘薩羅王波斯匿聞已歎曰  
善哉善哉阿難我所不及若聰明智慧及餘  
世間者而阿難及之阿難若有不善相悉而  
毀此稱譽者我等不見彼真實也阿難若有  
善相悉而毀此稱譽者我見彼真實也阿難  
如來頗行如是身行謂此身行爲沙門梵志

聰明智慧及餘世間所憎惡耶尊者阿難答曰大王如來終不行如是身行謂此身行爲沙門梵志聰明智慧及餘世間所憎惡也拘薩羅王波斯匿問曰阿難云何爲身行耶尊者阿難答曰大王不善身行也拘薩羅王波斯匿問曰阿難云何不善身行耶尊者阿難答曰大王謂身行有罪拘薩羅王波斯匿問曰阿難云何身行有罪耶尊者阿難答曰大王謂行身行智者所憎惡拘薩羅王波斯匿問曰阿難云何智者所憎惡耶尊者阿難答曰大王謂行身行自害害彼俱害滅智慧惡相助不得涅槃不趣智不趣覺不趣涅槃彼

可行法不知如真不可行法亦不知如真可  
行法不知如真不可行法亦不知如真已可  
受法不知如真不可受法亦不知如真可受  
法不知如真不可受法亦不知如真已可斷  
法不知如真不可斷法亦不知如真可斷法  
不知如真不可斷法亦不知如真已可成就  
法不知如真不可成就法亦不知如真可成  
就法不知如真不可成就法亦不知如真已  
可行法便不行不可行法而行可行法便不  
可行不可行法而行已可受法便不受不可  
受法而受可受法便不受不可受法而受已  
可斷法便不斷不可斷法而斷可斷法便不  
斷不可斷法而斷已可成就法便不成就不  
可成就法而成就可成就法便不成就不可  
成就法而成就已不善法轉增善法轉減是  
故如來終不行此法拘薩羅王波斯匿問曰  
阿難如來何故終不行此法耶尊者阿難答  
曰大王離欲已盡離恚已盡離癡已

盡如來斷一切不善之法成就一切善法教  
師妙師善順師將御順御善語妙語善順語  
是故如來終不行此法拘薩羅王波斯匿歎  
曰善哉善哉阿難如來不可行法終不行所  
以者何以如來無所著正盡覺故阿難汝彼  
師弟子學道欲得無上安隱涅槃汝尚似九不行

七

四

此法況復如來行此法耶拘薩羅王波斯匿  
問曰阿難如來頗行如是身行謂此身行不  
爲沙門梵志聰明智慧及餘世間所憎惡耶  
尊者阿難答曰大王如來必行如是身行謂  
此身行不爲沙門梵志聰明智慧及餘世間  
所憎惡也拘薩羅王波斯匿問曰阿難云何  
爲身行耶尊者阿難答曰大王謂善身行也  
拘薩羅王波斯匿問曰阿難云何善身行耶  
尊者阿難答曰大王謂身行無罪拘薩羅王  
波斯匿問曰阿難云何身行無罪耶尊者阿  
難答曰大王謂行身行智者所不憎惡拘薩  
羅王波斯匿問曰阿難云何智者所不憎惡

尊者阿難答曰大王謂行身行不自害不害  
彼不俱害覺慧不惡相助得涅槃趣智趣覺  
趣至涅槃彼可行法知如真不可行法亦知  
如真可行法知如真不可行法亦知如真已  
可受法知如真不可受法亦知如真可受法  
知如真不可受法亦知如真已可斷法知如  
真不可斷法亦知如真可斷法知如真不可  
斷法亦知如真已可成就法知如真不可成  
就法亦知如真可成就法知如真不可成就  
法亦知如真已可行法而行不可行法便不行  
可行法而行不可行法便不行已可受法而  
受不可受法便不受可受法而受不可受  
法便不受已可斷法而斷不可斷法便不斷  
可斷法而斷不可斷法便不斷已可成就法  
而成就不可成就法便不成就可成就法而  
成就不可成就法便不成就已不善法轉減  
善法轉增是故如來必行此法拘薩羅王波  
斯匿問曰阿難如來何故必行此法耶尊者

阿難答曰大王離欲欲已盡離恚恚已盡離癡癡已盡如來成就一切善法斷一切不善之法教師妙師善順師將御順御善語妙語善順語是故如來必行此法拘薩羅王波斯匿歎曰善哉善哉阿難如來可行法必行所以者何以如來無所著正盡覺故阿難汝彼

似九

十八

五

師弟子學道欲得無上安隱涅槃汝尚行此法況復如來不行此法耶阿難善說我今歡喜阿難快說我極歡喜若村輸租阿難法應受者我村輸租爲法布施阿難若象馬牛羊阿難法應受者我象馬牛羊爲法布施阿難若婦女及童女爲法布施阿難若生色寶阿難法應受者我生色寶爲法布施阿難如此之事阿難皆不應受我拘薩羅家有一衣名鞞訶提彼第一王以傘柄孔中盛送來爲信阿難若拘薩羅家有劫貝諸衣者此鞞訶提於諸衣中最長夜得增益福於是世尊以兩足著鞞訶提衣上令拘薩羅家爲第一所以者何此鞞訶提衣長十六肘廣

八肘我此鞞訶提衣今爲法故布施阿難阿難當作三衣持令彼拘薩羅家長夜增益得福尊者阿難答曰止止大王但心靜足自有三衣謂我所受拘薩羅王波斯匿白曰阿難聽我說喻慧者聞喻則解其義猶如大雨時此阿夷羅婆提河水滿兩岸溢則流出阿難見耶尊者阿難答曰見也拘薩羅王波斯匿白曰如是阿難若有三衣當與比丘比丘尼漸學舍羅舍羅摩尼離阿難以此鞞訶提作三衣受持令彼拘薩羅家長夜得增益福尊者阿難爲拘薩羅王波斯匿默然而受於是拘薩羅王波斯匿知尊者阿難默然受已鞞

似九

十九

五

訶提衣爲法布施尊者阿難即從座起遶三匝而去後不以尊者阿難持鞞訶提衣往詣佛所稽首佛足却住一面白曰世尊此鞞訶提衣今日拘薩羅王波斯匿爲法布施我願世尊以兩足著鞞訶提衣上令拘薩羅家

衣上告曰阿難若汝與拘薩羅王波斯匿所共論者今悉向我而廣說之於是尊者阿難與拘薩羅王波斯匿所共論者盡向佛說又手白曰我如是說不誣謗世尊耶真說如法說法次法不於如法有過失耶世尊答曰汝如是說不誣謗我真說如法說法次法亦不於如法有過失也阿難若拘薩羅王波斯匿以此義以此句以此文來問我者我亦爲拘薩羅王波斯匿以此義以此句以此文答彼也阿難此義而汝所說汝當如是受持所以者何此說即是其義佛說如是尊者阿難及諸比丘聞佛所說歡喜奉行

## 鞞訶提經第三竟

中阿含例品第一得經第四 第五後誦

我聞如是一時佛遊舍衛國在勝林給孤獨園爾時世尊告諸比丘若拘薩羅王波斯匿所有境界教令所及彼中拘薩羅王波斯匿最為第一拘薩羅王波斯匿者變易有異多

聞聖弟子如是觀則獸彼獸彼已尚不欲第一況復下賤所謂日月境界光明所照所照諸方謂千世界此千世界有千日千月千弗于逮洲千闊浮洲千拘陀尼洲千鬱單越洲千須彌山千四大王天千三十三天千釋天因陀羅千焰摩天千須焰摩天子千兜率陀天千兜率陀天子千化樂天千善化樂天子千他化樂天千自在天子千梵世界及千別梵彼中有一梵大梵富祐作化尊造衆生父已有當有彼大梵者變易有異多聞聖弟子如是觀則獸彼獸彼已尚不欲第一況復下賤後時此世敗壞此世敗壞時衆生生晃昱

似九

二十

五

天中彼中有色乘意生具足一切肢節不減諸根不壞以喜爲食形色清淨自身光照飛乘虛空住彼久遠晃昱天者變易有異多聞聖弟子如是觀則獸彼獸彼已尚不欲第一況復下賤復次有四想有比丘想小想大想無量想無所有衆生如是樂想意解者變易

有異多聞聖弟子如是觀則厭彼厭彼已尚不欲第一況復下賤復次有八除處云何爲八比丘內有色想外觀色少善色惡色彼色除已知除已見作如是想是謂第一除處復次比丘內有色想外觀色無量善色惡色彼色除已知除已見作如是想是謂第二除處復次比丘內無色想外觀色少善色惡色彼色除已知除已見作如是想是謂第三除處復次比丘內無色想外觀色無量善色惡色彼色除已知除已見作如是想是謂第四除處復次比丘內無色想外觀色青青色青見青光猶如青水華青青色青見青光猶如成就波羅捺衣熟擣磨礲光色悅澤赤赤色赤見赤光如是比丘內無色想外觀色赤赤色赤見赤光無量無量淨意潤意樂不憎惡彼色除已知除已見作如是想是謂第七除處復次比丘內無色想外觀色白白色白見白光猶如太白白色白見白光猶如成就波羅捺衣熟擣磨礲光色悅澤白白見白光如是比丘內無色想外觀色白白色白見白光無量無量淨意潤意樂不憎惡彼色除已知除已見作如是想是謂第八除處衆生如是樂除處意解者變易有異多聞聖弟子如是觀則厭彼厭彼已尚不欲第一況復

似九

廿一

紀刊

下賤復次有十一處云何爲十有比丘無量地處修一思惟上下諸方不二無量水處無量火處無量風處無量青處無量黃處無量赤處無量白處無量空處無量識處第十修一思惟上下諸方不二衆生如是樂一切處意解者變易有異多聞聖弟子如是觀則獸彼獸彼已尚不欲第一況復下賤是謂第一清淨說施設最第一謂我無我不有及爲彼證故施設於道是謂第一外依見處最依見處謂度一切色想乃至得非有想非無想處成就遊是謂於現法中第一求趣至涅槃於現法中最施設涅槃謂六更樂處生滅味離慧見如真及爲彼證故施設於道復次有四斷云何爲四有斷樂遲有斷樂速有斷苦遲有斷苦速於中若有斷樂遲者是樂遲故說下賤於中若有斷樂速者此斷樂速故此斷亦說下賤於中若有斷苦遲者此斷苦遲故此斷亦說下賤於中若有斷苦速者此斷

廿二

正刊

苦速故此斷非廣布不流布乃至天人亦不稱廣布我斷廣布流布乃至天人亦稱廣布云何我斷廣布流布乃至天人亦稱廣布謂八支正道正見乃至正定爲八是謂我斷廣布流布乃至天人亦稱廣布我如是諸沙門梵志虛僞妄言不善不真實誣謗於我彼實有衆生施設斷壞沙門瞿曇無所施設彼實來於現法中斷知一切得息止滅涅槃佛說如是彼諸比丘聞佛所說歡喜奉行

第一得經第四竟

## 中阿含經卷第五十九

隨若者下而反棘刺上居力反捷沓上音軋下唐  
軋闢婆此首神聲欸上苦頭反下苦愛反別譯云  
拘屢下力柄彼病屣所綺反屏處上音餅  
烏舍反難詰上去聲下起一反責問也幾俱依  
譬如紫晃昱上胡廣反羅捺下奴  
代反